



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1691. usque ad annum 1701

Fleury, Claude

August. Vind. [u.a.], 1781

VD18 13322648

§. 55. Innocentii XII. Pontificis contentio cum Leopoldo Cæsare on feudum Farnesianum.

[urn:nbn:de:hbz:466:1-67627](https://nbn-resolving.org/urn:nbn:de:hbz:466:1-67627)

splendidisque ac opulentis muneribus Sæc. XVII.
 augeri voluit, promissam tamen unio- A. C. 1698.
 nem, forte quod nimis comperta esset
 Græca fides, haud magni facere visus
 est, nequidem in suo responso Ducem
 Czari titulo honorans, eoquod hoc no-
 men idem ac *Cæsarem* significet, latina
 autem Ecclesia præter Romanum, haud
 alium agnoscat Cæsarem.

§. LV.

*Innocentii XII. Pontificis contentio
 cum Leopoldo Cæsare ob feudum
 Farnesianum.*

Jam anno priori die undecima Junii Theatr. Eu-
 Leopoldi Cæsaris Legatus Romæ rop. t. 15.
 edictum publice affigi jussit, vi cujus pag. 503.
 omnes Imperii Vasalli in Italia degentes
 ad investituram vocabantur; vicissim
 vero die decima septima ejusdem Men-
 sis Pontifex indicta læsæ Majestatis
 pœna, cunctis Pontificias ditiones in-
 colentibus inhibuit, ne quicquam in
 jurisdictionis Apostolicæ præjudicium
 tentarent & insuper querelis apud Cæ-
 sarem effusis diversorum Principum o-
 pem implorabat, ac Principatum Al-
 banensem tum venalem, quem Sabel-
 lius Princeps feudi Imperialis nomine
 possederat, quater millium scutorum
 pretio emit, habitoque Patrum Senatu
 Eccle-

Sæc. XVII. Ecclesiæ Romanæ ditionibus perpetuo
A. C. 1698. jure aggregabat: Vehementer reclama-
 mabat Cæsar's Legatus, aliorum ta-
 men Principum opera effectum, ut
 hæc contentio facile componeretur, &
 Cæsar's Orator, qui Leopoldi Impe-
 ratoris literas nuperæ Zentensis victo-
 riæ testes attulerat, a summo Ponti-
 ficæ perbenigne exciperetur: recrudit
 tamen eadem lis, dum idem Legatus
 Augustinum Chisium Principem per
 Cæsareum, ut vocant, *monitorium*, ob
 Principatum Farnesianum clientelare
 obsequium præstare jussit: eo enim
 Pontificis interdictum opponente, In-
 nocentius septendecim Cardinalium
 Congregationem erexit, in qua hunc
 Principatum Imperio haud obnoxium,
 proin Chisium Cæsareo mandato parere
 obstrictum non esse decidebatur: Hanc
 sententiam Papæ Nuntius Viennæ a-
 gens, Leopoldo significabat, cui tamen
 responsum, Cæsarem non minus in-
 tuendis Imperii quam Pontificem in-
 conservandis Ecclesiæ juribus sollicitum
 fore. Hoc responso Romam delato,
 Cæsar's Legatus Pontifici declarabat,
 præterfluxo bimestris termino Princi-
 pem suo feudo excidisse, illudque a
 Cæsare alteri concessum iri, Principes
 autem Burgesium, Livium Odescal-
 cum, Colonnam, & Prænestinum ob
 fidu-

fiduciaria sua prædia ad præstandum Sæc. XVII.
 obsequium teneri. Tandem post cre- A. C. 1698.
 bras utrinque altercationes, utriusque
 partis juribus nec plene satisfactum,
 nec valde derogatum est. Ceterum
 nullo ævo magis pacifica, felix, ac
 dives erat Ecclesia, quam dum ejus
 Antistites non gladium, sed nonnisi
 claves ad Christi Regnum tenebant,
 nec tanta hostium erat potentia, ut
 dum Ecclesia ab inferni portis tuta est,
 sui Capitis auctoritatem incolumitatem-
 que sartam servandi necessitas Regnum
 de hoc mundo deposceret.

§. LVI.

*Protestantium querelæ contra Electro-
 rem Palatinum.*

Quamprimum Joannes Guilielmus Pa-
 latinus Rheni Comes atque Ele-
 ctor imperii sui clavum moderari cæpe-
 rat, jamjam Protestantes eundem sub
 consueto oppressæ sectæ obtentu vexare
 aggrediebantur: præprimis vero ex iis
 petulantiores, ac quietis impatientes,
 quos *Mennonitas* vocant, jam anno hu-
 jus sæculi nonagesimo primo seditiosos
 motus concitarunt, eoquod ab Electore
 Palatino, cum Anabaptistarum errores
 in Imperio haud toleratos profiteren-
 tur, merito vel sectam ejurare, vel
 patria

*Hist. cont.
 Chron. l. 12.
 & 13.
 Schyn. Hist.
 Menn.
 pag. 161.
 Jehring.
 Theol. Menn.*